

باشلايه جفلردی . فخر کائنات اقدمز انجابه انی طواف وسعیده
مشرکینه قارشى نشاط وقوت ابراز ایتمه لرینی ، طوافک اولکی اوج
شوطنده رمل - یعنی آدیملرینی قیصالتهرق ، اوموزلرینی سیلکندیره رک ،
چالیملیجه اجرا - ایلمه لرینی ، رکن یمانی ایله رکن اسود آراسندن
علی العاده مشی ایله کچمه لرینی امر بویوردیلر . [عن ابن عباس رضی الله
عنهما قال قدم رسول الله صلى الله عليه وسلم واصحابه فقال المشرکون
انه يقدم عليكم وفد وهمهم حمى يشرب قاسمهم النبي صلى الله عليه وسلم
ان يرسلوا الاشواط الثلاثة وان يمشوا ما بين الركنين ولم يمنعه ان
يأمرهم ان يرسلوا الاشواط الثلاثة كلها الا لبقاء عليهم ... (۲)]

صوکرا اول حضرت حجر اسودی استیلام - سلاملاق - ایله
کعبه بی صوله آله رقی ورمل ایدره رک طوافه باشلا دیلر . بالطبع اصحاب
کرام حضرت آتی ده رسول اکرم اقدمزه اتباع ایدیورلردی . رکن
یمانی ایله رکن حجر آراسندن علی العاده مشی ایله کچدیله . چونکه بیت
شریف آرالینه حائل اولدیغندن قعیقیمان ودارالندوه طرفلرند بولان
مشرکین ، رکن اسود ایله رکن یمانی بینده بولان مسلمانک حالی
فرق ایدمه یوردی . طوافک ایکنجی واونجی شوطی ده عینله
برنجیسی کی ، فقط قالان اشواط اربعه سنی علی العاده مشی ایله اجرا
ایتدیله . هر شوطک ابتداسنده ده حجر اسود استیلام ایدیورلردی .

طوافی اکل ایدنجه صفا ایله مروه آراسنده ده یدی دفعه سعی
ایتدیله . میلین احضرین آراسنی ده هروله ایله ، یعنی سرعتله کچورلردی .
بهروله نک دخی رمل کی مشرکینه قارشى برنمایش اولق اوزره
یا یلیدی آکلاشیلیوردی . [عن ابن عباس رضی الله عنهما قال اما
سعی النبي صلى الله عليه وسلم بالبيت وبين الصفا والمروة ليري المشرکین
قوته (۳)]

بوعمره ائناسنده علیه الصلاة والسلام اقدمز میمونه بنت الحارثی
تزوج بویوردیلر . فقط زفاف و دوکون احرامدن چیقارقی «سرف» نام موقعه
کلدکارنده اجرا ایدیله . [عن ابن عباس رضی الله عنهما قال
تزوج النبي صلى الله عليه وسلم میمونه وهو مخرم وبناها وهو حلال (۴)] .
اهل اسلام اوج کون مکده قالدقن صوکرا دورنجی کونک
صباحی مشرکین طرفندن خویطب بن عبدالعزی ریاستنده بر هیئت
مرخصه کله رک حدییه مصالحه سنک ماده مخصوصه سی اقتضاسنجه مکدن
چیقمالری سویلندی . فخر کائنات اقدمزجه ، دوکون و عمومه
قارشى بر ضیافت ترتیب ایدمک قدر مکده قالمقن مشرکین ایچون
بر ضرر ملحوظ اولمادی سویلنمش ایسه ده آکلاتمق قابل اوله منجه
هان مکدن چیقمق اوزره قرار ویرلش ، سرف نام موقعه دوکون
یکیلدقن صوکرا مدینه یه عودت بویوریلشدر .

یدنجی سنه هجریه ده ایفا ایدیلن بوعمره اهل سیر ، اصحاب حدیث
آراسنده «عمره القضا» نامیله یاد ایدیلکده در . بوعمره یا اسندن

(۲) بخاری . (۱) بخاری . (۴) بخاری .

بدینلکمز هب اوغراشما یه ، عطالت ایچنده باصلانوب کیمه یه حق
قازاتمق ایچوندر .

تربیه سنک ایسه عادتاً مسلمانلرک برصفت کاشفهی اولش !
ایشته ملنی بویکی مصیبتدن قورتارمق بوتون افراد ملتک بویته
بورجدر .
محمد عاکف

فَقْرٌ وَقَتَاوِي

نقد و عبادات اسلامیه تاریخنده :

حج

۶

یدنجی سنه هجریه نک ذی القعدة سی ایدی ؛ فخر کائنات اقدمز
حضرتلری حدییه عمره سی ایچون احرام ایدنلردن کیمسه قلامق
شرطیله تدارکات سفریه ده بولمه لرینی امر بیوردیلر (۱) . هرکس
حاضرلندی . حدییه وقعه سنده دوچار احصار اولیانلردن دخی
بر چوق کیمسه لر عمره یه اشتراک ایدمک کاردی . قادیلردن ،
چولوق چوجقن باشقه معیت نبویه اصحابدن ایکی بیک قدر کیمسه
عمره نیشله یوله چیقدیله . قافله مسلمانک مکیه تقریبی کورونجه
مشرکین حرم شریفی تخلیه ایله قعیقیمان تپه لرینه چیقارقی ، قسماً
دارالندوه نک بولندینی یرده بریکه رک اهل اسلامی تماشا یه قویولمشاردی .
آرالرند حضرت پیغمبر و اصحابنک ضعف و ناتوانی دوچار اولدقلرند ،
کویا یثربک حماسیه ازیش بولندقلرند بحث ایله قیل وقل ایدوب
طور یورلردی . اهل اسلام محتشم غلبه لکریله مکیه داخل اولدیله .
شعراى اسلامیه دن عبدالله بن رواحه قلنجی قوشانمش ، ناقة نبونک
دیزکینندن طومش اولدینی خالده :

خلوا بنی الکفار عن سبيله قد ازل الرحمن فی تنزيله
فی صحف تتلى على رسوله يارب انى مؤمن بقبيله
انى رأيت الحق فى قبوله اليوم تقرىکم على تأويله
ضرباً یزىل الهام عن مقيله ويدخل الخلیل عن خليله

دیه «رجز» سویله رک ایلر اولیوردی . حضرت عمر ، عبداللهه ؛
بونه اولیور ، نزد نبویه شعر سویلتیرمی ؟ ... دیه منع ایتک ایستدی
ایسه ده ؛ اول حضرت : - یا عمر ، عبداللهه طوقنمه ، سویلسون ،
آنک سوزلری کفاره اوقدن زیاده تأثیر ایدیور ! .. بویوردیلر .

فخر کائنات اقدمز مسجد شریفه داخل اولنجه اضطیاع ایتدی ،
یعنی ردای شریفنک بر اوجنی صاغ قولتوغی آلتدن کچیره رک صول
اوموزی اوزرینه آتدی . بوتون اصحاب کرام ده اول حضرته اتباع
ایتدیله : هپسنک صاغ اوموزلری آچیق بولتیوردی . آرتن طوافه

(۱) عمدة القاری ، سيرة الامام ابن هشام .